



განცხადება

“სამართლიანი არჩევნებისა და დემოკრატიის საერთაშორისო საზოგადოება” (ISFED) განახორციელებს 2008 წლის 21 მაისის საქართველოს საპარლამენტო არჩევნების ფართომასშტაბიან მონიტორინგს, რომელიც მოიცავს:

- წინასაარჩევნო პერიოდს;
- არჩევნების დღეს;
- არჩევნების შემდგომი პროცედურებს.

წინასაარჩევნო პერიოდი

წინასაარჩევნო პერიოდში “სამართლიანი არჩევნების” ცენტრალური და რეგიონული ოფისები, ისევე როგორც ოლქის წარმომადგენლები, განახორციელებენ მონიტორინგს საარჩევნო ადმინისტრაციის მუშაობის პროცესზე. კერძოდ: დაესწრებიან ცენტრალური და საოლქო საარჩევნო კომისიების სხდომებს, დააკვირდებიან საარჩევნო კომისიების დაკომპლექტების პროცესს ყველა დონეზე, თვალყურს მიადევნებენ წინასაარჩევნო ღონისძიებების შესრულებას და საარჩევნო ადმინისტრაციის მიერ კანონით დადგენილი ვადების დაცვას. ორგანიზაცია ასევე განახორციელებს სხვადასხვა პოლიტიკური სუბიექტების მიერ წარმოებულ საარჩევნო კამპანიებისა და ხმების მოსაპოვებლად გამოყენებულ მეთოდების მონიტორინგს. გარდა ამისა „სამართლიანი არჩევნები“ განახორციელებს ამომრჩეველთა სიების დაზუსტების პროცესის მონიტორინგს. განსაკუთრებული ყურადღება მიექცევა ადმინისტრაციული რესურსების გამოყენებას.

გარდა ამისა, წინასაარჩევნო პერიოდში ორგანიზაციაში ამოქმედდება ცხელი ხაზი, რომლის მეშვეობითაც ამომრჩევლებს შეეძლებათ კონსულტაციის მიღება ნებისმიერ საარჩევნო საკითხთან დაკავშირებით. სამართლიანი არჩევნების“ ექსპერტები საქართველოს სხვადასხვა რეგიონში სპეციალურად ორგანიზებული რადიო -თოქშოუების მეშვეობით მოახდენენ საზოგადოების ინფორმირებას არჩევნებთან დაკავშირებით. ასევე, წინასაარჩევნო პერიოდში „სამართლიანი არჩევნები“ ორგანიზებას გაუკეთებს საჯარო სტენდებს, სადაც გავრცელდება კენჭისყრის დღის პროცედურებთან დაკავშირებული ბეჭდვითი მასალები.



სამართლიანი არჩევნები

შესაბამისი ინფორმაცია წინასაარჩევნო მონიტორინგის შედეგების შესახებ საზოგადოებისთვის ცნობილი გახდება, როგორც ორგანიზაციის მიერ ჩატარებულ ყოველკვირეულ ბრიფინგების, ასევე ელექტრონულ საინფორმაციო ბიულეტენის - “საარჩევნო სიახლენის” მეშვეობით.

არჩევნების დღე

არჩევნების დღეს, “სამართლიანი არჩევნებისა და დემოკრატიის საერთაშორისო საზოგადოების” სადამკვირვებლო მისია დატარავს 75 საარჩევნო ოლქის, საარჩევნო უბანთა მნიშვნელოვან ნაწილს. 2008 წლის 21 მაისს “სამართლიანი არჩევნები” მიუკერძოებელ დამკვირვებლებს მიავლენს ცენტრალურ, საოლქო და საუბნო საარჩევნო კომისიებში. პარალელურად, ინფორმაციის ოპერატიულად მოპოვების მიზნით ორგანიზაცია ჩამოაყალიბებს მობილურ და იურიდიულ ჯგუფებს. მათი ფუნქცია ასევე იქნება, საარჩევნო უბნებზე გამოვლენილ კრიტიკულ სიტუაციებზე (არსებობის შემთხვევაში) დაუყოვნებელი რეაგირება.

არჩევნების დღის განმავლობაში, „სამართლიანი არჩევნები“ სპეციალურ პრეს-კონფერენციების მეშვეობით საზოგადოებას მიაწვდის ობიექტურ ინფორმაციას კენჭისყრის პროცესის მიმდინარეობისა და მოცემული დროისათვის გამოვლენილი დარღვევების (არსებობის შემთხვევაში) შესახებ.

გარდა აღნიშნულისა, არჩევნების დღეს ორგანიზაცია განახორციელებს ხმების პარალელურ დათვლას (PVT) პროპორციული სისტემით. ამისათვის, არჩევნებამდე ორგანიზაციაში ჩამოყალიბდება PVT ცენტრი, სადაც PVT ოპერატორები მიიღებენ და სპეციალურ კომპიუტერულ პროგრამაში შეიყვანენ დამკვირვებლებისაგან მოწოდებულ ინფორმაციას. აღნიშნული ცენტრი იმუშავებს მთელი ღამის განმავლობაში. არჩევნების მომდევნო დღეს კი, ორგანიზაცია გამოაცხადებს ხმების პარალელური დათვლის შედეგებს.

სამართლიანი არჩევნებისა და
დემოკრატიის საერთაშორისო საზოგადოება

მისამართი: 0108 თბილისი
მ. კოსტავას ქ. #25

ტელ: (995 32) 98 39 98
ფაქსი: (995 32) 98 98 24

ელ-ფოსტა: info@isfed.ge
ვებ-გვერდი: www.isfed.ge



არჩევნების შემდგომი პროცედურები

არჩევნების დასრულების შემდეგ “სამართლიანი არჩევნები” განახორციელებს მონიტორინგს საარჩევნო ადმინისტრაციის მიერ ხმების დათვლისა და შედეგების შეჯამების პროცედურებზე. ამასთან, ორგანიზაცია დააკვირდება საჩივრების განხილვის, მიღებული გადაწყვეტილებების სასამართლოში გასაჩივრებისა და ვადების დაცვის საკითხებს.

მოგვიანებით, ორგანიზაცია მოამზადებს სრულ ანგარიშს 2008 წლის 21 მაისის საპარლამენტო არჩევნების შესახებ, რომელშიც მონიტორინგის შედეგების გარდა, შევა შენიშვნები და რეკომენდაციები საარჩევნო პროცესების შემდგომი გაუმჯობესების მიზნით.

2008 წლის, 21 მაისის საპარლამენტო არჩევნების მონიტორინგი დათინანსებულია (EU) ევროკავშირის მიერ.

“სამართლიანი არჩევნებისა და დემოკრატიის საერთაშორისო საზოგადოება” (ISFED) მიუკერძოებელი, არასამთავრობო, არამომგებიანი ორგანიზაციაა, რომელიც დააარსდა 1995 წელს. “სამართლიანი არჩევნების” სადამკვირვებლო საქმიანობა მიზნად ისახავს არჩევნების გამჭვირვალობის, საარჩევნო პროცედურების ეფექტურად განხორციელების უზრუნველყოფასა და არჩევნების შედეგებისადმი საზოგადოების ნდობის განმტკიცებას. ორგანიზაციამ განახორციელა მონიტორინგი 1995 წლიდან ქვეყანაში ჩატარებულ ყველა ძირითად არჩევნებზე, ასევე განახორციელა ხმებისა და აქტივობის პარალელური დათვლა (PVT/PTT) ბოლო 5 უმნიშვნელოვანეს არჩევნებზე.

სამართლიანი არჩევნებისა და
დემოკრატიის საერთაშორისო საზოგადოება

მისამართი: 0108 თბილისი
მ. კოსტავას ქ. #25

ტელ: (995 32) 98 39 98
ფაქსი: (995 32) 98 98 24

ელ-ფოსტა: info@isfed.ge
ვებ-გვერდი: www.isfed.ge